



# FAFANA



Volana Febrero 2024 - Laharana 243 - Vidiny 1 000 Ariary

“...Soraty ny fahitana, ka ataovy velona tsara ny soratra eo amin’ny Fàfana, ...” Habakoka 2<sup>2</sup>

## GAZETY AVOAKAN’NY FJKM ANKADIFOTSY ISAM-BOLANA

### Jobily volamena mpitandrina Ammi Tano mafy izay nekena ➤ 3 ry Mpandray Fanasan’ny Tompo



#### FINARITRA I



Ry Havana malala,  
Ry Kristianina Havana,

Amin’ny fifaliana no hiarababana antsika rehetra nahatratra ny Krismasy sy tojo ny Taona Vaovao 2024. Dila sahadysy ny volana voalohany, ary miditra ny volana faharoa sahady isika, dia izao volana Febrero izao. Lohahevitra vaovao indray no hiarahantsika mibanjina dia ny hoe “Mampitandrina amin’ny didiny Andriamanitra.”

Raha mampitandrina antsika amin’ny Didiny Andriamanitra, dia ireto lafin-javitra vitsivitsy ireto no tokony ho mby ao an-tsaina.

- Tena mariky ny mampitandrina amin’ny Andriamanitra ny fitondrana ny didiny satria

#### •Mampitandrina amin’ny didiny Andriamanitra•

Izy no efa namonjy sy nanafaka antsika, ka novidiany tamin’ny Ran’i Jesoa Kristy isika dia Azy ka ananany fahefana feno mba hitandremantsika ny didiny. Tahaka ny Zanak’Israely izay nahafahany sy notantanany, ka rehefa tonga teo amin’ny teny fampanantenana dia nomeny ny Didiny. Tena natokana ho an’izay mahatsiaro ho olom-bonjena ny Fitandremana ny didin’Andriamanitra.

- Tena mariky ny fankatoavana an’Andriamanitra ny fitiavana Azy, ny fitandremana ny Didin’Andriamanitra. Rehefa mahatsapa ny fitiavan’Andriamanitra isika, dia tokony ho tia sy hanompo ary hitandrina ny didiny. Toa antsika zanaka, mahatsiaro ny fitiavan’ny ray aman-dreny miyahy, mikarakara sy mamelona antsika, dia mendrika ho feno fankatoavana Azy isika.

- Ny Fitandremana ny didin’Andriamanitra koa, dia tsy azo neverina ho lalana mangeja, na mamatotra, na manandeve antsika, fa tena tondrozotra, lalam-piaianana mitondra antsika ho amin’ny tena fiainana. Raha ny voambolana fototra nandikana ny didy folo, dia tsy tena mandidy loatra hoe “Aza”, toa mandrara fotsiny, fa tena tenim-pitiavana, ka ny fanoroan-dalana fanaon’ny ray

aman-dreny amin’ny zanany, tenim-pitiavana fanoroan-dalana ho fiarovana ny zanany tsy hania na hanaonao foana.

- Ny fampitandreman’ny Tompo antsika hitandrina ny didiny koa anefa dia natao ho arofanina ho antsika zanany mba ho tojo amin’izay tanjona kendren’Andriamanitra ho antsika, dia ny fahazoana ilay Fiainana mandrakizay nampanantennain’Andriamanitra antsika.

Tsarovy anefa fa i Jesoa Kristy no Ilay Lalana sy Fahamarinana ary Fiainana, ka ny fandehanantsika eo Amisy no ananantsika antoka ny tena famonjena. Ao Amisy koa no halhalantsika ny marina rehetra momba an’Andriamanitra, ka ananantsika sy iainana ilay tena Fiainana ao Amisy. Jao 14:6.

Koa ny fitandremana ny didin’Andriamanitra no miantoka ny fahavelomantsika Oha 4:4 “Tandremo ny Didiko, dia ho velona hianao.” Raiso ho tanjom-pahasava manokana ho antsika ary, ry havana, ny fanarahana ireo toromarika omen’ny Tenin’Andriamanitra hi-fampizarana amintsika mandritra ity volana ity mba ho feno ny fifalianao. Raiso sy Iaino izany dia ho velona ny fanantenanao.

Ny mampitandrina Ravaloson

#### FIAINAM-PIANGONANA ➤ 2

#### FJKM TPM IVATO Miasà amin’ny fitiavana



#### FAHASALAMANA ➤ 3

#### Conjonctivite



#### FIAINAM-PIANGONANA ➤ 3

#### ADY ARA-PANAHY Mifanandrina amin’ny ady ara-nofo



## FJKM TPM Ivato

# Miasà amin'ny fitiavana

*Fotoan-dehibe ho an'ny mpino FJKM ny alahady 21 Janoary teo izay natokana nitrotroana am-bavaka ny filohan'ny FJKM sy ho fitrotroana am-bavaka ny taom-piasana 2024. Nisy hatrany ny hafatra lehibe nentin'ny mpitandrina Irako Andriamahazosoa Ammi.*

**H**afatra efatra lehibe indray no nomen'ny fi-lohan'ny Fiagonana'I Jesoa Kristy eto Madagaskara (FJKM), Irako Andriamahazosoa Ammi teny amin'ny toe-ram-panomanana Mpitandrina teny Ivato.

**1. Matanjaha :** mahereza amin'ny fiatrehana ny olam-piaianana rehetra. Mihamafy ny fiaianana ary zavatra maro no sedrain'ny Malagasy. Nankahery sy nilaza izy fa rehefa mifikitra amin'ny Tompo isika dia tafita hatrany, ka noho izany, "aza matahotra, aza kivy".

**2. Miavaha :** Kristianina miavaka, kristianina manao ny sitrapon'Andriamanitra. Tsy manaraka ny fanaon'izao ton-tolo izao. Teto no nanamafisan'ny filohan'ny FJKM fa tsy mankasitraka ny fiarahan'ny lahy sy ny lahy sy ny vavy sy ny vavy ny FJKM. Ankoatra izay, dia nanambara ihany koa ny Mpitandrina Ammi fa tsy izay mahafaly ny olona no atao, fa ny mahafaly an'Andriamanitra, noho izany, dia tsy maintsy miteny ny fiagonana rehefa misy tsy mety mitranga eto amin'ny firenena "satria izay no mahafiangonana antsika".

**3. Miasà :** Fotoanan'ny fidianiana ity taona 2024 ity ho



Ny Mpitandrina Irako Andriamaazosoa Ammi mivady miaraka amin'ny birao foibe

an'ny fiagonana FJKM, manomboka any amin'ny filohan'ny FJKM izany ka hatrany amin'ny isan-tsampana. Na-nainga ny kristianina izy, araka izany, hifandrombaka amin'ny fanoloran-tena. Manolo-tena amin'ny fifaliana ary miasa amin'ny fitiavana.

**4. Mivavaha :** ireo rehetra ireo dia atao am-bavaka. Tsy ho reraka mivavaka satria hoy ny Tompo hoe: "Mivavaha mandrakariva. Mivavaha aza mitsahatra." ITesaloniana 5: 17

Toy ny fanao isan-taona, dia nisy ny fanompoam-pivavahana nitondrana am-bavaka ny filo-

han'ny FJKM mianakavy sy ny taom-piasana 2024, ka tamin'ity taona ity, dia teny amin'ny toe-ram-panomanana Mpitandrina teny Ivato ny alahady 21 Janoary 2024 lasa teo no nanaovana izany. Asa sy fampaherezana no nanombohana ny fotoana.

Tamin'ny 9 ora sy sasany kosa no nanomboka ny fanompoam-pivavahana izay notarahan'ny birao foibe. Tamin'ity fotoana ity ihany koa no nanolorana fankasitrahaha ireo telo voalohany tamin'ny lalao Hazakazaka Masina.

Ny filohan'ny FJKM, Dr Irako Andriamahazosoa Ammi

Mpitandrina no namarana ny fotoana ka nanao fisaorana ny rehetra tamin'ny firarian-tsoa, tenin'Andriamanitra, sy vavaka ary fanomezana na-taon'ny kristianina.

Tamin'izany no nilazany hoe "enga anie ny fiagonana, ny fitandremana, ny FJKM rehetra, ny Synodamparitany, mba hiara-hiombona amin'izy ireo ny teny faneva ny jobiliny hoe "Fa Kristy no anton'ny ahavelomako, ary ny fahafatesana no hahazoako tombony" Filipiana 1 : 21

Nanangona Ianja R.,  
Malala Soa

## Sampana Tily eto Madagasikara Mankalaza ny jobily faha-100 taona

Mankalaza ny faha-100 taonan'ny amin'ity taona ity ny Tily eto Madagasikara, ka hisy ny het-sika hanamarihana izany jobily izany. Toy izao ny fandaharam-potoana fankalazana ny faha-100 taona mandritra ity taona ity.

**- 27 Janoary 2024 :** Nano-kafana ny fankalazana eo amin'ny sehatra nasionaly, fari-tany Tily 30 manerana an'i Madagasikara, ny faritany any Frantsa. Tamin'ny 9 ora maraina no notanterahina tao amin'ny lapan'ny kolotsaina sy ny fanatanjahantena Mahamasa ny fanompoam-pivavahana sy ny foarabe Tily ho

an'ny teto Analamanga. Tao-rian'ny fanokafana dia hisy ny fihaonambe iraisam-pirenenana any Paris France, mikasika ny faha-100 taonan'ny Tily. Hisy ireo hetsika isam-paritany hanamarihana ny herinandron'ny Tily eto Madagasikara sy ny fandrafetana ny tantaran'ny skotisma sy ny fiorenan'ny fankalazana ny taon-jobily.

**- 01-05 Agositra :** Lasy Jobily Lehibe any Fihonana Ranovelona, distrika Anka-zobe, ka anentanana ny beazina, ny mpiandraikitra, ny transainy, ny mpanohana, hiatika izany lasy lehibe izany.

Fitokanana ny tsangambato faha-100 taona sy ny toerana hanorenana ny foibem-pikam-banana ho amin'ny 100 taona manaraka indray.

Ny 24 Desambra 2024 no ho feno 100 taona katroka ny Tily eto Madagasikara, amin'io andro io ihany koa no hamaranana ny fankalazana ny taon-jobily.

Ny teny faneva entina hanamarihana izao jobily izao dia ny hoe: "Mandehana amin'izao herinao izao (...) ka tantereho ny fanompoana", Mpitsara 6:14 – II Timoty 4:5e. Teny roa enti-miaina io teny faneva io: history firahalahiana ary hiasa

Nanangona Fanja  
Raveloariajona

## Vatsy entina hiatrica ny 2024

**Rakotonirianasoa Hubert, Mpitandrina: "Meteza hiditra amin'ny planin'Andriama nitra", Mpit. 3: 11-15**

Misy tanjon'Andriamanitra any anatin'ireny zava-tsarotra miseho ireny. Ary ny tanjony aminao, dia Fiaianana mandrakizay. Tsy voatery ho takatry ny saintsika fa matokia Azy amin'ny lalana itondrany. Lalana mitondra fiadanana ny Azy.

FA : 1. esory izay manelin-gelina amin'ny fifandraisanao amin'Andriamanitra, izay manakona ny masonao tsy hahita

ilay lalaNy (mety ho toetraao io, mety ho olona na zavatra ifikiranana kanefa efa fantatrao fa manimba ny fifandraisanao amin'Ilay Dadanao) => fibebhana marina no andrasany.

**2. avaozy ny fanoloran-tena =>** miasa amin'ny fifaliana sy manao asa tsara tahaka an'i Jesoa

anoao ny Tompo"

**1.** Tsy nateraka ho amin'ny fahorianana ianao, na ho resy, fa nomaniNy ho amin'ny Fiaianana

Fiadananana = levonin'Andriamanitra ny fahavalonao (tsy olona io fa fanahy ratsy eny amin'ny rivotra) Andriamanitra no mam-pandresy antsika fa tsy isika no miezaka na maka ny toerany ka hande hiady na hifamaly. Ny anjarantsika dia matoky Azy.

**2.** Mipetraha tsara eo amin'Andriamanitra fa aza milingilingy

**3.** Tsarovy fa manohatra noho ny mpandresy isika, ka Mahaiza matoky Azy Efes 1:3-6 : Zanany ianao, mamaritra zavatra be dia be

izany

Dia zanany nohariany hitovy endrika Aminy=> miombona Aminy ary hita eny aminao Izy ka hahatonga ny olona hiteny hoe: tena zanaNy tokoa ianao!

Mba ataovy "fier" aminao ny Dadanao

Tsy ijerena olona ny lanan'ny fiovana, fa i Jesoa no jerenia dia manahaka izay fanaony

- Ny toe-pon'ny olona nidi-ran'ny Filazantsara lasa tsy te hiady aman'olona intsony

- Mibebaha amin'ny tsy fi-noana nahatonga anao naka ny toeraNy tanaty ady Iaino ny fanantenana

Nanangona Iony  
Randriantsara

## NY BAIBOLY INDRAY MIELATRA

### Korintiana faharoa

#### Ny Boky :

Ny Korintiana faharoa dia nosorant'an Apostoly Paoly ho an'ny fiagonana tany Korinto. Tamin'ny fotoana niverenany namangy ity fiagonana ity dia nisy Kristiana sahy nanevateva azy mafy (IIKor.2: 1-15, 7: 12) kaa rehefa tafaverina tany Efesosy izy dia nanoratra tamin'ny fiagonana mba hanasazy ilay nanevateva azy, voalaza fa voasoratra tao anaty ranomaso izy io, IIKor.2: 4, fahatelo tamin'ny taratasy ho an'ny Korintiana saingy very. Titosy no nitondra azy io ho any Korinto sady nandamina ny toe-draharaha tany an-toerana izay nahafaly an'i Paoly ka nanoratra ity II Korintiana ity izy.

Tany amin'ny faran'ny taona 55 no nanoratany ity taratasy ity. Tany amin'ny faritra Makedonia no nanoratany azy. (1:16). Misongadina kokoa ato ny tantaram-piaianan'ny apostoly Paoly sy ny maha izy azy ohatra ny fahorianana niaretany, ireo fahitana hitany, ny aretiny, ny fahefany, ny fiheverany ny fanompoany...

#### Fizaran'ny Boky isan-tokony :

- 1: 1-11 fitarihan-teny
- 1: 12-7: 16: filminana indray tao Korinto
- 8-9: rakitra ho an'ny fiagonan'i Jerosalema
- 10-13: 10 fiarovana ny fanompoan'ny Apostoly
- 13: 11-13 famporishina sy fanaovam-beloma

Nanangona fijivavahana

## TSY HARITRA

### Mahavariana ny zavaboahary...

Rehefa mandalo eny rehetra eny isika, dia mazava ho azy fa mahita ny hakanton'ny zavaboahary rehetra manodidina antsika : zavamaniry, habakabaka, biby isan-karazany, karazana olona... Raha mahay mandinika kosa anefy isika, dia mahita endrika ha-fakely sy miavaka eny amin'ny zavaboahary. Misy ny manome endrika hafahafa, toa mahatsikaiky indraindray, miksarisary isan-karazany, toy ny rahona, ohatra... Fa maro koa ny zavaboahary no toa manome endrika mahavariana, toy ny noteftena, kanefa voajana-hary ihany. Anisan'izany ity hazo lehibe ity. Ho an'ny rehetra, dia hazo lehibe iray, mirantsana maro, ihany no hitany. Fa ho an'ny mpandinika kosa, dia hazo roa lehibe miendrika olona roa mifamihina izy ireo... Voajanahary ihany izy io, fa tsy novolavolain'ny tanan'olombelona. Tsy haritra, ka dia noraiketina an-tsary hozaraina amintsika.

RH



## FANTARO

### Miriama

Ary ny anaran'ny vad'in'i Amrama dia Jokebeda, zanakavavin'i Levy. Izay naterak'izy ireo tany Egypta dia i: Arona sy Mosesy ary Miriama. Nom. 26: 59, ITan. 5: 29.

Miriama ilay zazavavy niresaka tamin'ny zanakavavin'i Farao hoe: Handeha haka mpitaiza amin'ny vehivavy hebreo mba hitaiza an'i Mosesy, ary ny reniny no nalainy. Eks.2 Taty aoriania, nirahin'i Jehovah hitarika ny Zanak'Israely nivoaka ny tany Egypta niaraka tamin'i Mosesy sy Arona i Miriama. (Mika 6:44)

Rehefa tafapita ny ranomasina mena ny zanak'Israely, Miriama mpaminanivavy, dia nitondra ny ampongatapaka teny an-tanany; ary nivoaka nanaraka azy ny vehivavy rehetra nitondra amponga-tapaka sady nandihy. Ary Miriama namaly ireo lehilahy ka nihira hoe: Mihiara ho an'i Jehovah, fa avo indrintra Izy; ny soavaly sy ny mittaingina azy nariany ao amin'ny ranomasina. Eks. 15: 20-21 Na dia anisan'ny mpitarika hendry aza Miriama dia nisy fotoana niteny nanome tsiny an'i Mosesy izy sy Arona noho ny vehivavy Kosita (Etiopiana) izay efa nampakariny. Hoy izy mianadahy: Moa Mosesy ihany va no efa nitenen'an'i Jehovah? tsy izahay koa va no nitenenany? Dia ren'i Jehovah izany. Nasain'i Jehovah nivoaka izy telo mianadahy ho any amin'ny trano-lay fihalonana... Ary rehefa niala tamin'ny trano-lay ny rahona; indro, boka Miriama ka fotsy tahaka ny oram-panala. Dia natokana tany ivelan'ny toby 7 andro Miriama; ary ny olona tsy niainga, raha tsy efa nampidirina Miriama. Nomery 12: 1-15. Ary Nataon'i Jehovah ho fananarana ho an'ny zanak'Israely koa izany "Tsarovy izay nataon'i Jehovah Andriamanitra tamin'i Miriama teny an-dalana tamin'ny nandehanareo avy tany Egypta". Deot. 24: 9

Rehefa tonga tao an-efitra Zina ny Zanak'Israely, dia ny fiagonana rehetra; ary nitoetra tao Kadesy ny olona. Ary maty tao Miriama ka nalevina tao. Nom.20: 1

Anisan'izay ota mbola mpahazo ny kristiana maro koa ity fifosana sy fanomezan-tsiny ny hafa ity, ny fiheveran-tena ho zavatra noho ny hafa. Hoy Jesoa tamin'i Petera raha nanontany ny amin'izay hanjo an'i Jaona izy: Raha tiako hitoetra izy mandra-pihaviko, ahoa-nao izany? fa manaraha Ahy ianao.Jao.21: 22.

Nanangona fijivavahana

# Jobily volamena mpitandrina Ammi Tano mafy izay nekena ry Mpandray Fanasan'ny Tompo

Fampianaram-pinoana no nentin'ny mpitandrina Irako Andriamahazosoa Ammi nanama-rihana ny jobily volamena naha Mpandray Fanasan'ny Tompo azy.

**“R**y Mpandray Fanasan'ny Tompo, Tano mafy izay nekena.”

01 Janoary 1974 - 01 Janoary 2024, mankalaza an'Andriamanitra noho ny jobily volamena ny maha Mpandray Fanasan'ny Tompo azy ny mpitandrina Irako Andriamahazosoa Ammi ka nisy fampianaram-pinoana izay notanterahina tao amin'ny FJKM Atsimon'i Mahamasina. Nandritra ny herinandro, nanomboka ny alatsinainy 15 Janoary ary nifarana ny sabotsy 20 Janoary 2024, izay samy nanomboka tamin'ny 12 ora sy sasany ka nifarana tamin'ny 1 ora sy 45mn. “Ry Mpandray Fanasan'ny Tompo, Tano mafy izay nekena”, izany no navoitra nandritra ny fampianarana sady lohatenin'ny boky natao ho an'ny mpandray Fanasan'ny Tompo tsy ankana-vaka.

## Ny alatsinainy 15 Janoary 2024

Nizara roa ny lohahevitra nodinohana.

**Ny voalohany :** Nahoana no manao fanekena isika ? Manao fanekena isika amin'ny fotoana samihafa, batisa, fanokanana Mpandray ny Fanasan'ny Tompo, fokanana diakona, mpitandrina, fanamasinana fanambadiana, antony telo farafahakeliny no anaovantsika izany. Fomba efa fanaon'Andriamanitra hifandraisana amintsika olombelona ny fanaovana fanekena, Andriamanitra tsy mbola nivadika tamin'ny fanekeny mihitsy. Ary nefainy tamin'ny fahafenoany izany Fanekena izany raha nanolotra an'ny Jesoa zanany lahitolana ho faty ho antsika teo amin'ny hazofijaliana Izy. “Mazava amiko izao ny antony nanaovako ny fanekena, ka hianatra tsianjery ny Fanekena'ny Mpandray aho”.

**Ny faharoa :** “Izaho no manao fanekena”. Matetika no maro ny mpandray vaovao miaraka atokana, ka tsy afaka manonona ny anarany isambatan'olona izy satria tene-nina rodobe ny fanekena. Eo amin'ny fotoana anokanana anefa, dia tsy maintsy voatonona tsirairay ihany ny anarana ary ny sertifikà soniaviny dia mitondra ny anarany avy koa. Koa raha voatonona anarana amin'ny fanekena atao, dia ny maha isika antsika mihitsy no manaiky. Ny maha Isika antsika mihitsy no manomboka takila vaovao, ny anton'ny ahavelomantsika no vaovao. Tsy ny vavantsika ihany no manaiky, fa ny tenantsika, ny fontsika, ny saintsika, ny herintsika ary fanahintsika.

## Ny talata 16 Janoary 2024



Irako Andriamahazosoa Ammi tao amin'ny FJKM Atsimon'i Mahamasina

Lohateny hafa indray no nianaranana, dia hoe “Manaiky marina sy mino aho fa i Jesoa no Tompo”. Manaiky aho ka ny fainako, ny toetrako, ny asako dia ekeko hovain'ny fanoloran-tenako ho an'i Kristy. Mitandrina amin'ny fihetsika aseho, ary manaiky ny asa imasoan'Andriamanitra atao ato amiko. Maro ireo mpandray vaovao, raisina isan-taona ao amin'ny fiangonana, ary vitsy no tena maharitra amin'ny fiarahan-dalana amin'ny Kristy. Mampieriteritra izany. Manaiky amin'ny vava fotsiny ny sasany, fa tsy mino amin'ny fony akory. Izay manaraka Azy, dia tsy maintsy tia Azy mihoatra noho ny ftiavana ny olona rehetra ary izay manaraka Azy, dia tsy maintsy mahafoy izay rehetra ananany. Apetraho ary ny fanontaniana: “Tompoko tokoa ve i Jesoa? Tompon'ny fotoanako ve Izy? Ny volako? Ny heriko? Sa mbola “ahy” avokoa ihany ireny, ka tsy omeko hofezehiny?” Miera amin'ny Jesoa amin'ny safidy atao, dia manontany hoe “ny sitrapoko sa ny sitrapony izao arahiko izao”.

## Ny klarobia 17 Janoary 2024

Navoitra fa ny fanekena an'ny Jesoa ho Tompo dia mitrika fiovam-po. Koa ny olona voavonjy ihany no afaka manaiky ho Tompo ilay namonjy azy. Ka izay manaiky an'ny Jesoa ho Mpamony, dia manaiky fa TENA mpamony Izy sady Mpamony TOKANA. Tokony hieritreritra tsara ianao hoe “raha nandray an'i Jesoa Kristy aho dia inona no niova tamiko ?” Ny falamelan-keloka no zavatra voalohany azon'izay mandray an'ny Kristy ho Tompo sy Mpamony. Koa izay manatsiaro ny hasarobidin'ny ra soan'i Kristy tamin'ny navotany azy tamin'ny fitondran-tena, dia mandeha amin'ny fahamasinana, tsy manompo ny ota intsony. Raha misalasala ianao dia mivavaha ka lazao tsota Aminy hoe : “Jesoa ô, man-

## Ny alakamisy 18 Janoary 2024

“Ekeko ny ho tia sy hanompo Azy amin'ny foko rehetra noho ny Fitarihan'ny Fanahy Masina ary hazoto hivavaka aho, ireo indray no tohin'ny fampianarana.” Ny famonjena izay noraisintsika feno tamin'ny nanekentsika handray an'ny Kristy ho Tompo sy Mpamony antisika, dia azo fintinina hoe “Finoana”. Koa ny finoana dia tsy maintsy mitaky asa (Jak 2:26) tsy miasa mba ho voavonjy isika, fa miasa satria voavonjy (Efe 2:8-9). Ireto àry ireo asa roa ateraky ny finoana sy fanoitra mitrika izany. Ny Kristianina dia mila mifankatia, koa hatraiza ny ftiavany'ny Kristianina any anaty sampana sy birao fiangonana, sy ny mpiangona ? Raha tia Azy amin'ny fo rehetra dia manaiky Azy ary manao ny Asany. Mila mandini-tena isika, mbola mahatsiaro ho teren'ny ftiavany'ny Kristy ve ireo Mpandray kamo manamony Ankatoka, handray vao miangona, mahihitra tsy manao adidy, maloto fo amin'ny havany sy ny kristianina namany ? MILA manamony Ankatoka rehefa fotoanan'ny Ankatoka mba tsy sanatria hihinana vao tonga isika. Asa faharoa, hanompo Azy amin'ny foko rehetra. Maro ireo fanompoana Azy, famonjena fanompoam-pivavahana, famangiana samihafa, fampiasana ny fanomezam-pahasoavana nomeny, famonjena favoriana andinohana ny asan'ny Tompo, fanaovana ny adidy ara-bola. Mazotoa mivavaka. Mivavaka FA TSY MITSAHATRA, manana fifandraisana matotra amin'ny Jesoa na aiza na aiza, na inona na inona atao, eny, na iza na iza iarahana.

## Ny zoma 19 Janoary 2024

Nitohy ny fampianarana, ka ny lohahevitra ny androtr'io dia “Hamaky Baiboly isan'andro aho sy hanoa ny fitondrana ato amin'ny FJKM.” Raha marina ny fanekentsika an'i Jesoa ho Tompontsika sy Mpamony antisika, dia tsy hahatsiaro ho terena isika hamaky Baiboly isan'andro, fa hangetaheta izany. Mahasalamy ny Tenin'Andriamanitra, koa hahatsiaro tsy hahazo aina isika raha tsy mamaky Baiboly ao anatin'ny iray andro satria toy ny miraparapa ao anaty hainzina, tsy misy fanazavana.

Noho izany, ampidiro ao anaty fandaharam-potoana-nao ny Famakiana Baiboly. Raha mbola misy koa fotoana hahazoana mamaky Baiboly, dia ataovy isan'andro TSY TAPAKA. Ataovy salama ny fifandraisana amin'ny Jesoa, mamakia na dia andininy iray fotsiny aza. Fa isika kristianina koa dia mila mahay ny fitondrana ato amin'ny FJKM. Koa ny hafatra dia “aoka ny Mpandray ny Fanasan'ny Tompo isan-tokan-trano hividy ny Fotodalana sy ny fitsipiky ny FJKM mba tsy ho tompon-trano mihono amin'ny fainan'ny fiangonana FJKM”.

## Ny sabotsy 20 Janoary 2024

Ny lohahevitra nianaranana farany dia hoe “Hanaja ny hevitra tapaky ny favorian'ny Mpandray aho sy ny heerin'Andriamanitra no iankinako”. Misy ambaratongam-pitondrana telo anaty Fitandremana dia ny Birao, ny Mpivehi-draharaha ary ny Favorian'ny Mpandray ny Fanasan'ny Tompo. Singanina manokana isika mpandray. Ny dikan'ny hoe “hanaja ny hevitra tapaky ny favorian'ny Mpandray” dia manaiky ianao hanatrika ny Ankatoxy ny Fandraisana. Maro ireo mpandray no manamaivana ny Ankatoxa ka mihevitra fa ny Alahady Fandraisana ihany no tena zava-dehibe. Ny fitsipiky FJKM and.188: ny favorian'ny Mpandray ny Fanasan'ny Tompo no ambaratongam-pitondrana ambony indrindra ao amin'ny Fitandremana.

Fehiny, avereno jerena ireo fanekena rehetra nataonao amin'ny maha Mpandray anao. Inona no tena mbola tsy vitanao ? Aza manaiky ho resin'ny sakana na inona na inona, fa tano mafy ireo teny fikasana. Nofaranana tamin'ny fandraisana ny Fanasan'ny Tompo ny fampianarana ny sabotsy 20 Janoary 2024.

Nanangona Ianja R.,  
Malala Soa, Harilalaina

## Conjonctivite

Ny valan'aretina « conjonctivite » amin'ny ankapobeny, dia vokatry ny tsimokaretna tonga eny amin'ny maso; saingy mety hisy koa mikraoba otrik'aretina (bakteria) manampy trotraka ilay tsimokaretna.

Manodidina ny 2 hatramin'ny 14 andro eo no mikotrika ilay aretina. Matetika ny fisehony, dia amin'ny maso anankiroa. Miraina mena maso ilay olona voa, mivonto ny hodimaso, mahatsapa ditsoka, indraindray misy mandeha râ eo amin'ny hodi-maso, tsy misy fanaintainana ny maso ary tsy mihena ny fahitana. Ny fizahâna amin'ny fluorescene dia tsy ahitâna fambara ratra amin'ny rakot'andromaso (kornea).

Mety ahitâna atoditarimo manoloana ny sofina sy ny tenda, ary mety misy famantarana ivelan'ny maso, toy ny mandeha ranon'orona lava sy marary tenda.


Ny fitsaboana dia mifototra amin'ny:

- fahadiovana hentitra: fanasana tanana amin'ny savony, diovina amin'ny alikaola
  - tsy kosehina ny maso (mitarika faharatrana amin'ny rakot'andromaso izay miteraka fahasaratana)
  - fansana maso amin'ny sérum physiologique
  - fanafody antiseptique atete anaty maso
  - tsy alefa an-tsely ny ankizy
- Raha misy fambara fahanaky ny bakteria (misy taimaso mraikitra, mamasipasika) dia azo ampriasaina ny fanafody antibiotika atete anaty maso, tsy misy corticoïdes.

Ny fivoaran'ny aretina dia mety ho sitrana ho azy, na mety misy fahasarotana ka mivoatra ho keratoconjunctivite (fahavoazan'ny fonomaso miaraka amin'ny rakot'andromaso izay mety hahajamba).

Raha misy fanaintainana na mihena ny fahitan'ny maso, dia mila manatona mpitsabo maso haingana.

Rado Rakotomalala



## Ady ara-panahy mifanandrina amin'ny ady ara-nofo

Diniho tsara io kisary eto ambany io. Misy zavatra marobe ampitainy amintsika. Toa tsy misy olona manondro, miteny, maneho ilay TENA fahazavana. Fa misy kosa olona manondro, mampiseho sarintsarim-pahazavana sy mitarika ny maro ho any amin'ny... maizina. Ary tena mahataona izy.

Koa inona àry no andraikitr'iza?

Nankaiza ireo milaza ny tenany ho fahazavan'izao tontolo izao, na rafitra na olona? Tadidio fa “ny DISO dia diso na dia manao izany daholo aza ny maro anisa. Ny MARINA kosa dia hitoetra ho marina hatrany na dia tsy hisy na iray akory aza hanaihy sy hanao izany.”

Izany no fanamby atrehan'ity firenena ity ankehitriny. Aza diso fahavaloo! Combat spirituel ity!

Hubert RAKOTOARIVONY, Mpitandrina  
Senior coach managerial



**Wrong is wrong,  
Even if everyone is  
doing it.  
Right is right, even if  
no one is doing it.**

## TONONKALO

## Rah' Jesosy no...

Rah' Jesosy no manjaka sy manapaka ao am-po,  
Ka ny teniny mitoetra, ivelomana tokoa,  
Tsy ho sarotra ho anao ny hanarina ny lavo,  
Nidaraboka nianjera ka nanjary mavomavo !

Rah' Jesosy no mitondra sy ekena fa ho Loha,  
Moa tsy azo inoana koa fa ny tena dia hifoha ?  
Eny hifoha hatrany hatrany ka handroso dia han-droso  
Hanambara Teny soa, mahafaly, mampandroso ?

Rah' Jesosy no torian'ny Fiagonana tokoa,  
Ka tsaroan'ny rehetra f'IZY koa no foto-tsoa,  
Dia ho velon'avokoa ny Fiagonana rehetra,  
Tsy hisy intsony ny manantra, manankery voafetra !

Ny Fiagonana no Tena, tian'ny Tompo mba hi-foha,  
Ho porofo manambara fa Jesosy no TSITOHA,  
Tompo tokana Mpamony izay mila famonjena,  
Tompo sy Mpanjaka nefo be fitia tsy hay fefena !

Rah' Jesosy no mitana ny Fiagonana hijoro,  
Velona tokoa ireny tsy ho lavo na hikoro,  
Ny asany ho lavorary ary koa handroso tsara,  
Tena hisandrahak'izy, ka ho tsara fiafara !

**Docteur Randriamahazosoa**  
**Boanerjesy Olivier**

## MAZOTOA HOMANA

## Tagliatelles sy akoho

Zavatra ilaina : tagliatelles atsasany, nofon'akoho fahefany, holatra araka izay tiana, crème fraîche 200g sy tongolo gasy sy tongolo be.

Fomba fikarakarana azy : andrahoana ny tagliatelles. Teteho lavalava manify ny nofon'akoho

ary endaso eo amin'ny 6 na 8 minitra eo mandrapaha mendi-mendy azy, avy eo ale-faso ao dia andrahoy ny holatra mandritra ny 4minitra ary arorohy matetika. Ale-faso ny tongolo be sy ny tongolo gasy, aza adino ny sira sy dipovatra araka izay tiana. Alefaso ny crème fraîche dia afangaroy amin'ny tagliatelles efa masaka. Asio zavamaitso kely hanatsara ny endrin.

Mazotoa homana indray!

**R.Sidonie**



## MBA SAINO

## Ifalio

Herinandro vaovao  
Izay omen'ny Tompo anao  
Ifalio, ankasitrahao  
Zay mitranga eo amin'ny fiaiananao  
Mifalia, matokia  
Izy hampondresy amin'ny ady atrehanao

**Tojo R.**

## Samihafa

## Fianjaika



## Ny combi-pantalon

Ny combi-pantalon indray no atolotra antsika andriambavilanitra amin'izao taona vaovao izao. Misy amin'ny endrinny maro azo isafidianana izy ireo

**R.Sidonie**

## Ny voanio

Ireo otrikaina sy singa mety ho hita ao amin'ny voanio :  
B1, B2, B3, B5, B6 – C – E – K – Acide Amine – Calcium – Fer – Glutamine – Iode – Magnesium – Manganese – Phosphore – Potassium – Proteine – Selenium – Sodium – Soufre – Zinc ...

Ireo soa azo avy amin'ny fihinanana  
voanio :

- Manampy amin'ny fikorianan'ny râ
- Mampidina ny tosindrâ
- Miady amin'ny fahatapanhan'ny lalan-drâ
- Miady amin'ny homamiadan'ny râ
- Manampy amin'ny fanalana menaka ratsy ao amin'ny vatana
- Manatsara ny fiasan'ny tsinay sy manamora ny fivalanana
- Mampitombo sy mampatanjaka ny hery fiarovana
- Manatsara ny hozatra
- Miaro amin'ny aretin'ny fo sy ny voa ary ny vavony
- Mandrindra ny tahan'ny siramamy ao anatin'ny râ
- Mampavitrika ny sela ao amin'ny vatana
- Manatsara ny fandevonan-kanina
- Manampy amin'ny fampitoniana ny hanoanana



- Miady amin'ny fahazoan'ny vatana lanja
- Manampy amin'ny fanalana ireo poizina ao amin'ny vatana
- Miaro sy manatsara ary mampalefaka ny hoditra sy ny volo
- Mampitony ny rarintsaina
- Misoroka ny tsy fahampian'ny rano sy manadio ny voa
- Miaro amin'ny fivoronan'ny vato ao amin'ny voa
- Miady amin'ny Alzheimer
- Manafotsy ny nify

Manan-karena rano sy hamamiana voajanahary ny voanio, ka tsara ho an'ny mpanao fanantanjan-hantena. Rehefa voakarakara sy voahodina koa ny voanio dia ahazoana menaka azo hikarakarana sakaflo, hikoloana ny volo sy ny endrika, azo atao amin'ny laoka na anaovana mofomamy...

Tsy natao hahasoa ny vatana ihany anefa ny voanio, fa azo anaovana taozavatra koa ny raviny, manome fitoniana sy endrika mahafinaritra ny tanana ihany koa ny fambolena azy. Sarobidy loatra ny voanio.

**Fanja Raveloarijaona**

## Jobily faha 50 taona ny SAFF

## Jobily faha 50 taona ny SAFF

Ny zoma 26 Janoary 2024 no niombon-bavaka ho amin'ny hetsika santatra, noho ny Jobily faha-50 taonan'ny Sampan'asa Fitoriana Filazantsara (SAFF) teny amin'ny FJKM Isotry Fitiavana. Ny fotoana dia notarihan'ny mpitandrina Miharisoa avy ao amin'ny FJKM Isotry Fitiavana, tao-rin'izay dia ny filoha AFF no nandray fitenenana no sady nampafantatra ny atao hoe Jobily sy ny famelan-keloka, izay nalaina tao Lev. 25 sy 27. Andriamanitra no nanome ny didy folo an'i Mosesy, ka voalaza fa isika rehefa manao jobily dia tsy voatery vola foana no atao.

Ny andro Sabata dia andro natao hitsaharana, mitsahatra amin'ny asa ka iny fotoana hi-fandinhana amin'ny ankohonana. Mila mahay mitantana fotoana, atao maka aina ny tany, tsy kitihana. Tsy misaraka amin'ny famelan-keloka ny fa-

nomezana hanina. Nandritra ny rakitra dia nisy fizarana galety ho an'ny rehetra ho fampihara-rana an'izany voavela heloka izany. Afessis voavela heloka, Afess heloka. Ny heloka na amartia dia teny mahafaka azy, ary ny ota dia fahadisoan'olona amin'Andriamanitra. Rà an'i Jesoa no manafaka ny ota. Nampian'ny mpitandrina Soavinirivo Thiburee fa ny famelan-keloka dia tsy mahazaka tena irery, tsy maintsy ambara sy toriana ny Filazantsara. Am-pantaro Jesoa Kristy, manova fomba fijery, fomba famindra, manambara vaovao mahafaly izany hoe fiovam-po ho an'ny fampihavanana, fihavanana ka miteraka fifamelana.

Ka izay manana fihavanana amin'Andriamanitra dia manana fifamelana, koa miainga any amin'ny sampana, sampan'asa, fikambanana ny fifame lan-e la n. Foto an'ny

fifankatiavana izao. Hombanao Jesoa amin'ny fahasoavana, fiadanana, fitahiana na Essos Metso.

Noravahana hira na-taon'ireo antoko mpihira sami-hafa ny Afi, Hosana Ambohijatovo Fitiavana, tarika Gasy Tsara, Ny Ampifitia, ary ny fivetsoana tononkalo. Namarana ny fotoana ny fandraina-sana fitenana dia ny TDF mpitandrina Robson Rado Lalaina Johary izay mpiyahy ny SAFF, ka rehefa mamela dia

Nanangona Ianja R.



Filohan'ny AFF teny FJKM Isotry Fitiavana  
ny zoma 26 Janoary 2024

## Asa fanompoana

## Nitombo isa ny Katekista

Niampy isa indray ireo impanompon'Andriamanitra hanatanteraka ny asa nanirahana azy, ka ny zoma 05 Janoary 2024 no nanokanana ireo katekista delege tao amin'ny FJKM Zoara Ambohimandroso Synodam-paritany Alaotra Chrome na SPAC 03. Folo izy ireo ka ny telo amin'ireo katekista dia vao handray ny asa any amin'ny fitandremana nametrahana azy ary ny fito dia nanavao ny fanoloran-tenany ka manohy ny asa amin'ny maha katekista delege azy.

Nandritra io fotoana io no nanoloran'ny SAFF foibe an'i Randrianarivelo Tolotraniaina ho katekista delege hiasa any amin'ny FJKM Bemaha, izay zana-piangonanana miaraka amin'ny FJKM Amboavory Nazarea.

Nitarika ny fotoana nandritra ny fotoam-pivavahana dia ny mpitantsoratra Synodam-paritany SPAC mpitandrina Andrianomenjanahary Rija Harisoa FJKM Amparafaravola ary nitondra tenin'Andriamanitra dia ny filoha mpanampy voalohany SPAC mpitandrina Andriamahafeno Longimaharavo FJKM Andriamena izay nalaina tao amin'ny ITan 29:12, mizara telo ny hafatra ho

amin'izany ka voalohany mino an'Andriamanitra ve ianao, ary mino ve fa mbola averina amin'Andriamanitra ny voninahiny? Isika olombelona velona dia efa tempoly velona an'Andriamanitra. Mangataka volamena sy harena isika, kanefa tsy mahay misitraka izany, mahazo izay nangatahina tam'in'Andriamanitra. Matetika mahazo fa manadino ny fisan'Andriamanitra, manao tsisnotinona azy.

Faharoa mino ny fahefan'Andriamanitra ve ianao? Ny fahefana dia eo am-pelatanaavy amin'Andriamanitra io fahefana io, fa isika dia misantatra ihany. Ny masoandro dia efa fahefana iray ankoatra ny kintana sy ny volana. Io fahefana io dia afaka esorin'Andriamanitra aminao.

Andriamanitra no nanome an'io ka tsy tokony hirehareha. Matetika isika mirehareha amin'ny tsy misy dikany any anaty fiaraha-monina misy antisika any. Isika amin'izao no atao hoe fiangonana Israely, fahefan'Andriamanitra no mbola mampijoro antisika, ary ny Kristiana dia manana fahefana ambony noho ny olona tsy Kristiana. Fahatelo mino ny herin'Andriamanitra ve ianao?

Nisy ny fandraisan-pitene-na ny nataon'ny talen'ny SAFF



Randrianarivelo Tolotraniaina katekista, delege FJKM Bemaha

## Fanompoana an-tsary



Santatr'adidy 2024 sy fiarahabana ny prezidà synodaly Iarivo Avaradrano SP 19



Fanolorana ny komity fankalazana an'Andriamanitra noho ny faha-60 taona njoroan'ny NMPF

## Vaomieran'ny Asa Sosialy Hetsika Krismasy


Taorian'ny fialan-tsasatra, fihaonana voalohany teo amin'ny Vaomieran'ny Asa Sosialy (VAS) sy ny madiniky ny Tompo (MDT) ny alarobia 10 Janoary 2024, tamin'io fotoana io ihany koa, taorian'ny fanompoam-pivavahana, asa sy fam-paherezana niarahana tamin'ny sampana fiofahazana (SAFIF) no nanatanterehana ny hetsika krismasy, izay nizarana ny valopy solombodiakoho, vary sy savony, ho an'ny mpikambana MDT tsirairay avy.

Ny VAS dia misaotra ny fiagonana manontolo tamin'ny rakintra voalohany, fanompoam-pivavahana voalohany sy faharao ny 25 Desambra 2023 lasa teo. Io no hahafahan'ny VAS manao ny asa rehetra mandritra ny taona.

Vita iny hetsika iny, ny asa mitohy hatrany, hoy Rto filoha Rasoazanakolona Jerison.

"Dia hamaly ny Mpanjaka ka hanao aminy hoe: Lazaiko aminareo marina tokoa: Araka izay efa nataonareo tamin'ny anankiray amin'ireto rahalahiko kely indrindra ireto no nataonareo tamiko", Mat. : 24: 40

Malala Andrinainaina



Fizarana valopy ho an'ny Madiniky ny Tompo

## FANABEAZANA SY FAMPANDROSOANA

Eo amin'ny fiaraha-monina, dia ny olona lehibe sy efa matotra no misehatra sy mandray andraikitra amin'ny fampandehanana ny fiaianana sy ny fampandrosoana. Ny zaza sy ny tanora kosa, dia mila beazina sy ampianarina mandritra ny taona maro, vao afaka miroso amin'izany.

Dia mijerijery ny manodidina ny tena :

- Misy ny beazina ho mpangataka,

- Misy ny beazina ho mpanatanteraka baiko,

- Misy ny beazina ho mpitady vola,

- Misy ny beazina tsy hihevitra afa-tsy izay mahasoa ny tenany sy ireo akaiky azy ihany,

- Misy ny beazina hifindra monina any ivelany,

....

- Mba misy ve ny beazina ho tompon'andraikitra amin'ny fampandrosoana ny fiarahamonina (fokontany, kaominina, faritra, firenena) ?

- Beazinao ho lasa inona ny zanakao ?

Rabekely

## FIKARAKARANA voninkazo

Ireto tompon'anjara amin'ny fikarakarana voninkazo volana Febrero 2024 ity :

- 03 Febrero : groupe 07

- 10 Febrero : groupe 08

- 17 Febrero : groupe 09

- 24 Febrero : groupe 10

Nanangona Malala Soa

## Rankizy o !

**Mba tsapao hoe ny fahalalanao ny Soratra Masina.**

Mariho iza avy tamin' ireto olona ireto no anisan'ireo mpisoronanofidian'i Jehovah teo amin'ny zanak' Israely : Josoa - Arona - Kora - Nadaba - Datana - Balaka - Abiho - Kaleba - Josefa - Eleazar - Jakoba - Davida - Itamara - Dana.

Valiny : Arona - Nadaba - Abiho - Eleazar - Itamara

## Teny Mifafina

1				O			
2		A					
3	Y		Y			A	
4		A			Y		
5			A				
6				E			
7		A					
8			E				
9		A					
10		O					
11		Y				A	
12			A				
13		O		O			
14		A					
15		Y					
16		O				O	
17		Y					
18		O					
19		A			O		
20		A					

## Isa ao amin' ny Baiboly

### Omeo hoe firy no isan'ny :

1. lehilahy niainga avy tao Ramsesa ho any Kanana, teo ho eo amin'ny .....
2. naha andevo ny Zanak' Israely tao Egypta .....
3. andro ihinanan'ny zanak' Israely ny mofo tsy misy masirasira.....
4. nanambaran'i Jesoa ny hahafatesany .....
5. nandavan'i Petera tsy nahalala an'i Jesoa .....
6. teny nambaran'i Jesoa teo amin'ny hazo fijaliana .....
7. mpianatra taorian'ny nahafaty an'i Jodasy .....

Valiny : ghetsy - 430 - 7 - in-3 - in-3 - 7 - 11

## Tantara kely

### Ny fitsaran'olombelona

Olona iray tsy mino an'Andriamanitra sendra nifanena tamin' Atoa mpitandrina ka niteny hoe: Lazainareo Kristianina hono fa ny olona rehetra re-hefa maty ka tonga any ankoatra, dia hahita an' Andriamanitra tokoa ve?"

- Eny tompoko! hoy ny Mpitan-drina... ary na dia ianao izay tsy mino io aza, tsy maintsy hahita Azy.

- Tsara izany hoy ilay mpanimbazimba... ka rehefa hitako izany andriamanitra izany dia hodakoko izy... tsy maintsy hodakoko mafy izy satria lazainareo fa andriamanitra tsara, nefo manao rivodoza (cyclone), hororontany, aretina, mosary, misy ny tsara tarehy ary ao koa ny nataony ratsy tarehy, sns...

Tsy nanano-sarotra akory ilay Mpitandrina niteny hoe :



- Izaho koa, rangahy, mba miombon-kevitra aminao...

Izany andriamanitra lazainao sy tsarainao izany dia tena mendrika hodakana tokoa. Andriamanitra foronin'ny sainao izany, ka tokony hodakana fa ny Andriamanitra ivavahako dia Tompon'ny tompon ka manan-kalahatra sy tsy mahajanona eo anatrehan'ny vominahiny ny olona tsy mino. Izy no tompon'ny teny farany, fa ianao tsy hahaloa-peo akory rehefa mby eo anatrehany.

Fa hoy ny Soratra Masina : "Fa samy hiseho eo anoloan'ny fitsaran' Andriamanitra isika rehetra" (Rom 14/10d)

**RABEHATONINA James**  
**Nalaina tao amin'ny 5 minitra**  
**laharana voalohany**

## Ankamantatra

Lehilahy iray, nolazain'ny Soratra Masina fa nahazo saha tamin'ny tambin'ny fahotana, Akeldama na sahan-drà no anarany, nalaza be tao Jerosalema, potraka niankohoka tao amin'io toerana io izy, dia vaky ny kibony ka nipoaka sady nivaroraka avokoa ny tsinainy. Nitarika ny olona nisambotra an'i Jesoa koa izy. Iza ary izy io?

Valiny : Jodasy

## Arahabaina

"Ary Jehovah Andriamanitra nanao hoe : tsy tsara raha irery ralehilahy, dia hanaovako vady sahaza ho azy izy." Gen.2. 18

- RAHAJASON Fanaja Nirina sy RAKOTOMALALA Fanomezantsoa Domoina
- RANDRIANANJA Dera Jhones sy DAVIDSON Anna Sophie
- RAKOTOMAMINTSOA Tojo Herilaza sy RAVAONARIVO Mialiarisoa Vololoharifera
- RAKOTOMANDIMBY Tendriniaina sy RANDRIAMAROVELO Sarah
- RAZAFINIMPIASA Ny Aina Nambintsoa sy RAZANAJAONA Hanitra Nirina Patricia
- RASOLOFOARIVONY Liva sy ANDRIAMAMPIANINA Koloina
- DAVIDASOA Hermann sy RAHOLINIRINA Nomenjanahary Evelyne
- RASOLONDRAIBE Hajaniaina Christophe sy RAKOTOHASIMBOLA Ny Anja Miarisoa
- RANDRIANTSIZAFY Heninjo Toavina sy KOTONDRAZANA Vonimboahangy Mélanie Fabienne
- ANDRIAMIARINTSOA Vatosoa Amboarampifaliana sy ANDRIANASOLO Ravakaharivony Marie Josette
- Rakotoarivony Rindra sy Razanadrakoto Rijaniaina
- Rakotoson Dina Nantenaina sy Raharitsimba Naly Harentsoa Arielle

## BATISA

« ...dia nisokatra ny lanitra, ary ny Fanahy Masina nidina teo amboniny... » Lio. 3. 22

- Razafindrainibe Nomenjanahary Fitahiana Nathan
- Santatriniaina Miangaly Fitahina
- Tojosoa Ery Nkanty
- Fitahiana Muriella Johnson
- Ravalison Haniela Tianay
- Andriamanantena Andoniaina Malalanirina
- Andriamanantena Nirina Heriniana
- Raharimbola Hasimpitahiana
- Andriamahefaharisoa Joannah F.
- Raolison Kanto Hobiana
- Raolison Miaro
- Ainarivony Liantsoa Ny Avo Sarobidy
- Rasoamanana Yoann
- Raharinjatovo Ilioniaina Ayden
- Andrianony Honey Moon Ikanto
- Randriampionona Ny Ialy Fandresena
- Andriamisa Tsanta Harena
- Rasolofoorivony Fenomamintsika Lois

## Fiononana

« Fa Izaho mahalala ny hevitra iheverako anareo, hoy Jehovah, dia hevitra hahatonga fiadanana, fa tsy loza, mba hanome anareo fanantenana ny amin'ny farany... » Jer. 29. 11

- Ratovo Andriamahery Jaona
- Rasolarioso Louise
- Rasoanandrasana Bedge Armandine

## TSARA HO FANTATRA

Fandaharam-potoana maro no nasiam-panovana, toy izao manaraka izao izany :

- **Ny alahady fahatelon'ny volana sy alahady voalohany** dia misy ny Fandraisana Fanasan'ny Tompo, koa amin'ny **06 ora sy sasany** amin'ireo fotoana ireo no **fidirana voalohany**.
- Ho an'ireo manana tsy salama na ray amandreny tsy afaka mamonjy fotoam-pivavahana, dia afaka milaza ao amin'ny mpandrahahara handaminana ny **famangian'ny Mpitandrina any an-tokantrano** isaky ny alakamisy.
- **Ny alahady farany amin'ny volana no anantanterahana ny Ankafoka** ka manomboka amin'ny **09 ora**, Ankafoka : fanomanam-panahy amin'ny Fandraisana Fanasan'ny Tompo ary fandaminana ireo raharahan'ny fiangonana avy any amin'ny mpiheidrahara.
- **Ny Katekomena** dia mianatra isaky ny alahady ary miditra amin'ny **2 ora hariva**
- Ireo **taratasy rehetra ampandalovina mpiheidrahara** kosa dia ny **alahady faharaoa** fara-fahatarany no tokony ho tonga ao amin'ny mpandrahahara
- **Ny fandraisan'ny mpitandrina ny vahoakan' Andriamanitra** dia isaky ny **Talata sy Alakamisy amin'ny 3 ora** ao am-piagonana.
- Ireo hanao **dinka batisa sy mariazy** kosa dia ao amin'ny Mpandrahaharan'ny fiangonana Atoa Ravoajanajary no maka ny dinidinika momba izany mialoha ny hihaonana amin'ny Mpitandrina.

# Ilay Fitiavana miahy ny maro

## Aingam-pisaorana fitsenana famonjena

Arista maro tsy voaisa no migoka mamy rehefa tonon-taona vaovao. Mahazo tsenam-panentanana fety isan-karazany ny maro amin'ny tarika na koa olon-to-kana, manana talenta mihira na mitendry zava-maneno na sady mahay mihira no mahay mitendry.

Ny mamy eto dia ny vola ary ny fisafiana mahazo vola. Asa toa mahafinaritra ny asa manentana fety maro. Fetim-pianakaviana, fankasitrahana sy fanomezam-bo-ninahitra olo-manan-kaja. Manao ezaka lehibe ny artistika, mahavita miasa mandritry ny andro nefo koa miitary alina. Mendrika ho deraina tokoa ny fandavan-tena asehon'ny artistika. Asa sy fainana mitambatra hoy izy ireo rehefa anontaniana mikasika ny fandaminam-pia-nana. Vao migadona ny taom-baovao dia misy artistika efa manana « contrats » tsy tapaka isan-kerinandro, na isambolana na mandritry ny taona manontolo.

Maneho kanto sy mitondra amin'ny fientanana ary fihetseham-po ny zava-kanto vokarin'ny artistika. Toa anis'an'ireo olona manaraka baiko ny artistika, tahaka ny farnarany ny « notes » na solfa. Miahy ny talenta Andriamanitra, fa Izy no hirana ary ny voninahiny no hobiana. Ny fahatsoram-po dia ahafhana manantante-raka antso tahaka ny hoe « Mihobia ho an'i Jehovah, ry tany rehetra, velomy ny hoby, ka mihirà ». - Salamo 98:4. Ny vokatry ny talenta asehon'ny mpanganako dia milaza zavatra maro, na io amin'ny asan-tanana, tahaka ny sary, sary hitara, sary hosodoko... na amin'ny alalan'ny mo-zika na dihy sy ny fomba maro, ny fihiran...

« Aza matahotra azy ianareo ; fa Jehovah Andriamanitra reeo no hiady ho anareo. » - Deuteronomia 3 :22. Io antso maka endrika baiko io dia manome toky izy manaraka azy fa hivoaka mpandresy izy. Mitaintaina ny artistika, ny mpihira rehefa hiaka-tsehatra na dia efa manana traikefa an-taona maro aza. Fa vao injay atosiky ny zava-kanto aseho amin'ny alalan'ny talenta izy, dia foana tsy hita intsony ny tahatra sy ny horohoro madinika man-



Tsy maty solika

loana mpihaino sy ny mpijery. Toa azo ampitahaina amin'ny artista tokoa ny kristiana, fa raha ny ady nianana, atrehana sy miandry, dia fahakiviana no tokony hita, nefo matoky ny Teny ny mino ; « Aza manahy ny amin'ny ainareo, izay hohaninareo, na ny amin'ny tena-reo, izay hotafinareo. » - Lioka 12:22b.

## Bodo sy adala miova lalana handresy

Raha maka ohatra amin'ny mpianatra dia misy akony any amin'ny vo-katra ny safidy atao. Ny lalam-piofanana tsirairay dia manana ny maha-izy azy. Nefo kosa raha mitaky fomba fianatra samihafa, dia samy afaka mitondra ny mpianatra any amin'ny fahombiazana avokoa ireo.

Ny fihainoana, fanarahana, fifantohana amin'ny tan-jona dia anisan'ny fomba sy fi-hetsika mitondra any amin'ny fahombiazana. Tsy ny hafa ihany moa no hoe henoina, fa na ny bitsika mangina anaty aza dia ilana fandanjalanjana. Atao hoe manota ny olona rehefa tsy tojo amin'ny zava-kinendry « rater sa cible ». Rehefa tsy mifanaraka amin'ny mahasoa sy mam-pivoatra ny zavatra atao dia ota. Ao anatin'ny vanim-potoana fmetrahana vina ny tsirairay amin'izao voalohan'ny taona 2024 izao. Ao ny maniry hiala amin'ny hakamoana, misy ny te-hanajanona ny sigara, ny fijangajangana.

Fa misy koa dia manapa-kevitra ny hahomby bebe kokoa amin'ny fijangajangana, ka tsy mahavita mame-traka ny tongotra ao anatin'ny taona vaovao, fa mitohy amin'ny fomba ratsy natao hatrizay taona maro izay. Dia misabaka eo ka tahaka ny mandeha ambonin'ny lalana malama na ambony « corde raide ». Mitongilangilana fandeha tsy afaka mibanjina ny tanjona amin'ny fahazavan-tsaina. Tiana ny etsy ary fy ny eroa hoy ny fiteny, tsy mazava tsy maizina, fa indraindray toa masirasira mat-

siro, ary indraindray matsatsotsatso. Tsy foy ny rendra-rendra, nefo te-hiadana sy ho tony. Mifangaro ny loto sy ny akanjo tsara izay manafina pentina maro. Soa fa efa maro ny fomba sy ny akoram-pikojana ny tarehy ahafhana manafina pentina. Misy koa ny entona am-by fotsy « déodorant » entina manafina fofona.

Maro ny fitaka, ao ny famitahana hanoanana, ao ny famitahana fofona toaka sy sigara amin'ny fitsakoana si-ligaoma « chewing gome ». Fa rehefa ela ny ela tsy mahomby ny fiafinafana, ny famitahana-tena. « Fa tsy misy nafenina izay tsy haseho, na takona izay tsy ho fantatra. » - Lioka 12 :2. Raha te-hiditra ao anatin'ny soa, ny tsara, ny filaminana dia fidiana tsara izay tontolo tsara, fa samy manana ny herin ary ny maha-izy azy ny fironana any anatin'ny tontolo samy hafa any. Raha ny tontolom-pahazavana misy masoandro no iantefan'ny safidy, dia maka endrika hafa ny tarehy amam-bika. Mahazo loko velombelona sy tsy dia sarotin'aretina.

Ahitana fanjakana maromaro eo amin'ny fainana,

ary ny fikatsahana ny fiadanana dia tanjona iraisan'ny mpifoka zava-mahadomelina sy ny mino. Misy karazany moa ny fiadanana. Ny filana dia tsy mitsaha-mitombo mankany amin'ny mafimafy kokoa hatrany, ho an'ny mpandray zava-mahadomelina, mifafara amin'ny fiankan-doha tanteraka. Raha hiakin-doha ihany, tsy aleo tsy ho amin'ny fahaverezana, fahaverezana fitadidiana, tsy fahafhana mitojo amin'ny fiadanam-po.

« Kanefa katsaho ny fanjakany ; dia hanampy ho anareo izany zavatra izany. » - Lioka 12 :31.

Mandreraka ny fisabakana na kely na be, fa mampi-hataka amin'ny zava-misy ilana fahazavan-tsaina. Soa fa manome famindrampo sy velona ny herin'Andriamanitra, Ilay hany tokana miahy sy mandray tsy mihambaraha, izay te-hiova lalana ka handray ny fanamapahan-kevitra hentitra ho amin'ny vatomampy ampy azo handihizana.

« Fa tonga fiarovana avo ho ahy Jehovah ; Ary vato-lampy fialofako Andriamanitra. » - Salamo 94 :22

Jocelyn R.



Mandreraka ny fisabakana na kely na be, fa mampi-hataka amin'ny zava-misy ilana fahazavan-tsaina. Soa fa manome famindrampo sy velona ny herin'Andriamanitra, Ilay hany tokana miahy sy mandray tsy mihambaraha, izay te-hiova lalana ka handray ny fanamapahan-kevitra hentitra ho amin'ny vatomampy ampy azo handihizana.

« Fa tonga fiarovana avo ho ahy Jehovah ; Ary vato-lampy fialofako Andriamanitra. » - Salamo 94 :22

Jocelyn R.

## Fintina toniteny VOLANA JANOARY

### ANKALAZAO NY MPAMONJY

Alahady 28 Janoary, nalaina tao amin'ny

II Tantara 26:14-21

Toromarika 4 lehibe no zaraina amintsika raha te hahita fahombiazana isika eo amin'ny fainana:

1- Ny fiarhana amin'Andriamanitra ihany no hanambina antsika.

I Ozia mpanjaka dia natahotra sy nifikitra tam'in'Andriamanitra ka nampahitan'ny Tompo fahombiazana be dia be.

Noho izany, matokia ny Tompo, aza misaraka amin'Andriamanitra ary apetraho Aminy ny antsimpiriam-piaintsika fa fantany ny maha-soa antsika.

Tsarovy fa rehefa miaraka Aminy isika dia mamenno ny banga rehetra eo amin'ny fainantsika Izy.

2- Rehefa ambinina dia aza mirehareha na miavonavona.

Matetika isika, rehefa ambinina, dia mando an'Andriamanitra.

Izany manadino an'Andriamanitra izany anefy dia midika ho fivadihana Aminy.

Aza manao toa an'i Ozia mpanjaka, fa ape-traho amin'ny toerana misy Azy foana Andriamanitra.

Koa mahaiza mitoetra, matoky hatramin'ny farany fa tian'Andriamanitra hambinina amin'ny lafiny rehetra isika.

3- Loza no ateraky ny fivadihana amin'Andriamanitra.

Raha nivadika i Ozia dia nataon'Andriamanitra boka mandram-pahafatiny.

Mahaiza mijery ny olona amin'ny lafatsarany.

Isika no tempolin'Andriamanitra, entina manatanteraka ny asany, ka noho izany, aza mihevitra ny hafa ho tsinontsinona fa aoka hijery amin'ny fifikatiavana sy ny famelan-keloka hatrany isika.

Lalana azo antoka hahatonga antsika ho mpanompon'Andriamanitra mahatoky izany. Amen

Ny nitondra ny hafatra dia Pasteur RAVALOSON FJKM Ankadifotsy.

Alahady 21 Janoary 2024 (TPM Ivato)

"Lehibe ny voninahitr'Andriamanitra" Jao 12:41

Izay nahita ny voninahitr'Andriamanitra na iza na iza, dia milaza amin'ny hafa.

Efa nahita ny voninahitr'Andriamanitra ve ianao ?

Isa 66:19, tsy maintsy mahita ny voninahitr'Andriamanitra isika.

Oha 25:2, manjaka amin'ny zavaboahary isika, ary isika dia Mpanjaka.

- Napetrak'Andriamanitra ao anatin'ny zavaboahary rehetra noharany ny voninahiny Sal 8:1. I Kor 15: 40-41= manam-boninahitr'Andriamanitra ianao.

- Napetrak'Andriamanitra ao anatin'ny zaviray avy sy ny fifandraisana Aminy ny voninahiny.

Oha 17:6, ny raim-pianakaviana dia voninahity ny zanany.

Aoka isika raim-pianakaviana ho voninahitr'Andriamanitra. I Kor 11:7 aoka isika vehivavy ho voninahitr'Andriamanitra, ny tokantrano Kristianina dia mifanome voninahitr'Andriamanitra.

Jao 11:39-40 ny mino dia ampahitan'Andriamanitra voninahitra hafa indray. Ny maty nit-sangana dia mampiseho ny voninahitr'Andriamanitra feno sy avo indrina.

.Napetrak'Andriamanitra ao amin'i Jesoa Kristy zanany ny fahafenoan'ny voninahiny rehetra. Ao amin'i Jesoa ny fahatsarany Jao 1:14.

Jao 17:22 vavaka nataon'i Jesoa ho amin'ny lalan'ny hazofijaliana. Mialoha ny niakaran'i Jesoa any an-danitra, dia nomeny antsika ny voninahiny.

\*\*Apo 21:10, 22, 23

Apo 22:1-2. Ia Andriamanitsika io dia Andriamanitra tsara.

TPM Ivato, mpitandrina RAKOTOBE Rajaomanjato Dodaherisoa

Alahady 14 Janoary, nalaina tao amin'ny

Lioka 9:28-36

Andao hiandrantra ny fanompoana isika mba ha-hita sy hahatsapa ny voninahitr'Andriamanitra.

Inona no tokony atao ahafhana mahita izany voninahitr'Andriamanitra izany?

Finiavana 3 no andrasany ny Tompo amintsika :

1- Tsy maintsy miakatra isika.

Miandranda fainana avo ao amin'ny Tompo

ary vonona hiala amin'ny fainana taloha tahaka an'i Mosesy, Petera, Jaona ary Jakoba raha nentiny teny an-tendrombohitra.

Mahafoy ny toe-tsain'izao tontolo izao ary ma-naiky ho tarhan'Andriamanitra.

Tsarovy fa tian'Andriamanitra havaozina isika

ka ho tonga resy lahatra, tamana ary feno fifa-liana amin'ny fanompoana azy.

2- Manana fainam-bavaka.

Ilay fiakarana teny an-tendrombohitra dia fiakarana hivavaka.

Ny vavaka dia fitaovana mahomby eo am-pe-latanantsika.

Ny vavaka no manova ny fijerintsika sy ny ton-tolom-piaintsika manontolo.

Tsarovy fa rehefa tsy ampy vavaka isika, dia tsy

manana hery hanohitra ny fakam-panahy.

Noho izany, omeo lanja manokana ny fihara-

mivavaka sy ny fifandraisantsika amin'Andri-

manitra fa hosokafan'Andriamanitra ny

masontsika ary hamphitany zava-mahagaga.

3- Mila maharitra amin'ny fanarahana ny

Tompo isika.

Tsy mahita ny voninahitr'Andriamanitra isika

raha tsy maharitra.

Matetika isika dia amin'ny voalohany ihany no

mihazakazaka, fa avy eo dia lasa mangatsiaka.

Ilay ekena dia hiareto hatramin'ny farany.

Noho izany, na inona olana sy trangan-javatra

eo amin'ny fainantsika dia aza alaim-panahy

hihemotra na hiala, fa manana faharetana

amin'ny fanarahana ny Tompo.

Amen

Ny nitondra ny hafatra dia Pasteur RAKO-

TONIRINASOA Hubert FJKM Ankadifotsy.

Alahady 07 Janoary 2024, nalaina tao amin'ny

Apokalypy 15:1-8

Tanjona goavana ho antsika ny handova ny fainana mandrakizay.

Raha te ho tonga any an-danitra isika, dia mila manana ireto toetra efatra ireto:

1- Tahaka ny liona.

Ny toetra mampiavaka ny liona dia mahery sy sahy.

# Fanompoana an-tsary

